

繡刻贈書

記定本

目錄

- | | |
|------|------|
| 第一齣 | 家門始末 |
| 第二齣 | 掃埜遘俠 |
| 第三齣 | 甘逐攜書 |
| 第四齣 | 恃權抄沒 |
| 第五齣 | 訂盟聞難 |
| 第六齣 | 俠妓極刑 |
| 第七齣 | 旅病托棲 |
| 第八齣 | 祕書贈合 |
| 第九齣 | 女妝避緝 |
| 第十齣 | 全節脫縛 |
| 第十一齣 | 假尼入寺 |

第十二齣 招選宮妃

第十三齣 奚奴辨本

第十四齣 男妝避選

第十五齣 戍譴奚奴

第十六齣 逞雄落草

第十七齣 禪關匿影

第十八齣 認女作子

第十九齣 認男作女

第二十齣 女雄斬惡

第二十一齣 奸謀出使

第二十二齣 陰釋保姆

第二十三齣 雪冤邀寵

第二十四齣 對陣留情

第二十五齣 招降女將

第二十六齣 賞功賜婚

第二十七齣 花燭猜謎

第二十八齣 乞訪書因

第二十九齣 輕烟辨男

第三十齣 保姆識女

第三十一齣 錯配成真

第三十二齣 奉詔團圓

贈書記

明無名氏著

第一齣 家門始末

〔滿庭芳〕〔末上〕年少書生。工容淑女。雙雙奇事堪誇。改妝避難。飄泊各天涯。不料婚姻欽賜。男和女形影爭差。花燭下徘徊卻顧。此際兩相遮。〔問答照常〕輕烟多俠氣。捐軀引手。不類烟花。更奚奴保姆。戀主亡家。一任流離顛沛。功名立。會合在京華。簡書後仍還面目。玉始倚蒹葭。

第二齣 掃塋遺俠

〔遠地遊〕〔生披髮上〕髻年英俊。失恃煢煢甚。繼箕裘青箱自幸。甘相遭逢。終童馳騁。待追蹤乘時請纓。〔鷓鴣天〕寂寞相如臥茂陵。家徒四壁不知貧。世情已逐浮雲變。裘馬誰爲感激人。花濺淚。鳥驚心。欲將修短問乾坤。陽和不散窮途恨。霄漢常懸捧日心。小生談塵。表字子玄。廣陵八氏。年僅垂髫。氣常聳壑。河陽之花似貌。鄴下之步比才。揮塵而驚四筵。楊修之捷悟。

不爲異。捫虱而談一世。賈誼之經濟不足奇。父親官拜兵部尙書。北伐遼夷。頗多功績。只因與宰相衛三台相迂。大功終身不敘。抑鬱而死。門戶蕭條。家奴解散。只有個老蒼頭叫做奚奴。與小生朝夕相依。目今清明佳節。早上分付奚奴。安排祭禮。到墳上拜掃。不知完備未曾。老蒼頭那里。〔外白鬚扮院子上〕李善能依主。崑崙未是奴。稟官人有何分付。〔生〕我早上分付你安排祭禮。可曾完備麼。〔外〕完備多時了。只等官人起身。〔外挑轎同行介〕

〔集賢賓〕北邙山下雨露零。會節屆清明。我在望松楸時淚隕。值芳辰感慨彌深。相攜祭品。把一束生芻自盡。〔外〕官人那望着的華表。就是老爺墳墓了。〔生悲介合〕悲特甚。望華鶴杳然無影。〔外〕官人打從這邊轉去。〔下貼上〕

〔遶池遊〕章臺柳嫩。正值三眠景。惜長條肯將輕贈。懶飾鉛華。慵施脂粉。習戎兵身生將門。不飾蛾眉取世憐。自矜意在古人前。迷香洞杳誰能到。寂寂紗窗小有天。奴家魏氏。小字輕烟。身落烟花。志多倜儻。不嫺詞賦。有愧薛濤。善識英雄。足方紅拂。奴家出自將門。頗多膂力。弓馬熟閒。止爲父母雙亡。流落平康巷裏。只是女流之輩。有技安施。這也不在話下。目今清明佳節。

人人拾翠。個個尋芳。昨約姊妹們同去郊外踏青。他們隨行逐隊。都陪着王孫公子遊玩去了。我不免叫四兒出來。同到郊外閒玩片時。四兒那里。〔丑扮侍兒上〕現在風流隊。前身花月妖。姐姐喚四兒。敢是要同我去踏青麼。〔貼〕正是。〔丑〕姐姐先行。四兒隨後。〔同行介〕

〔集賢賓〕豔陽天氣物色新。看遊騎紛紛。輾破萋萋芳草嫩。柳絲垂偏侵綠鬢。暖風拂徑。輕揭處羅衫香噴。臨麗景。暗逗得這芳心不定。〔虛下副淨扮乞兒持竹筒上〕本身爲甲長。始祖是齊人。自家乞兒的便是。今日清明佳節。祭掃的甚多。討得些渾酒在此。待我再到那邊討些蔬菜來下酒。〔虛下生上〕清明時節雨紛紛。路上行人欲斷魂。小生談塵。適纔到墳上祭掃過了。見這郊外花柳爭妍。遊人簇擁。因此先打發老蒼頭回家。在此閒步一回。你看遠遠望見有個婦人來了。我且在此伺他一回。〔貼丑同行上介〕

〔黃鶯兒〕掩暎步香塵。喜花光照眼明。〔遇生介貼背向丑介〕那郎君生得好丰姿。〔生背介〕怎麼有這等標致的女子。〔貼〕何來衛玠穿芳徑。看他丰姿出羣。飄飄韻生。我琳瑯觸目今何幸。〔生隨貼行介丑〕小官人放尊重些。怎麼只管隨來隨去。〔貼背介合〕想

鍾情。追隨綦履。使我暗飛魂。

〔前腔〕〔生〕邂逅許飛瓊。喜芳皋似武陵。看他凌風玉袖。天香噴。化容出羣。〔貼〕

我們到那邊去。〔同丑行介生〕鶯聲出塵。把身軀扭捏多嬌韻。〔合前生〕我看他不像

個良家行逕。待我再趕上去。〔作急走踢翻竹筒介淨扯住生介〕阿呀。我千辛萬苦。討得這些酒。

你踢翻了我的。好好賠我來。〔生〕我身伴不帶得銀子在此。你隨我回去。賠你些罷。〔淨〕那有

工夫隨你回去。〔生〕教我把什麼賠你。〔淨〕我不管你。〔譚介貼〕那郎君不帶得銀子在此

把什麼賠你。待我把幾貫錢。替那郎君賠了罷。〔淨作謝貼介〕與人方便。自己方便。〔淨下生謝

貼介〕多承高誼。感激不勝。〔貼〕區區小事。何足稱謝。〔生〕請問小娘子尊姓。家住那里。待小

生好來奉還。〔貼〕奴家姓魏。小字輕烟。家住平康巷中。郎君若得便。到家下看看也好。只是不敢

仰扳。〔生〕小娘子。我看你這般意氣。竟不是烟花中行逕。可敬可敬。〔貼〕郎君。

〔貓兒墜〕我是將門世胄。誤落在風塵。一點芳情未許人。式瞻芝宇。頓傾心。〔合〕

欣欣。輻輳天緣。三生有幸。〔貼〕郎君高姓。家住那里。〔生〕小生談塵。表字子玄。父親官拜

兵部尙書一旦棄世。止剩得小生一人。

〔前腔〕榮榮無倚。落魄一鰥生。虛擲年光誤茂齡。〔貼〕這等說。郎君得自做張主的了。奴家也沒有鵝兒的。郎君任意來往甚妙。〔生〕如此甚好。你情親應不厭家貧。〔合前外上〕游人歸已盡。步履返偏遲。〔見介〕官人。天色已晚。還不歸家。到與這位小娘子在此扳話。〔貼〕奴家就此告別。適逢文從。後會難期。〔生〕多謝娘行。前途保重。〔貼丑下外跪介〕奚奴有句話稟上官人。〔生〕你有何說話。〔外〕紅顏雖足怡情。妓女最爲無義。奚奴閱人已久。儘識他覆雨翻雲。官人涉世未深。遂被他情牽意戀。況且青年正該力學。楚館豈可留心。〔生〕我曉得了。如今就此回去。

清明祭埽向先塋。

邂逅紅顏意氣深。

畫虎畫皮難畫骨。

知人知面不知心。

第二齣 甘逐攜書

〔臨江梅〕〔旦同老旦上旦〕

青鏡年華驚暗換。愁多減卻朱顏。〔老旦〕影形相

弔瑣窗前。〔合〕風景堪憐。遭遇堪憐。〔青玉案〕〔旦〕碧雲冉冉蘅皋暮。綵筆空題斷腸

句。試問閒愁知幾許。〔老旦〕月樓花院。綺窗朱戶。惟有春知處。〔旦〕奴家賈氏。小字巫雲。年將

二八。運落孤單。父母雙亡。弟兄寡偶。止有保姆伴我晨昏。豈期叔父將奴凌逼。因此上欲待拈針刺繡。爭奈應接不遑。欲待觀史繙經。其如手足無措。好生懊惱人也。〔老旦〕小姐。你且耐煩些。再作道理。〔旦〕保姆。我那叔父呵。

〔瑣窗寒〕滿腔中都是貪婪。肯把伶俜兒女憐。鎮終期欺侮最苦難堪。晨昏凌迸。捫心嗟歎。想骨肉如同冰炭。〔內作鴉鳴介合〕膽寒。猛聽鴉叫窗南。怕他又肆摧殘。〔丑巾服上〕爲仁不富。爲富不仁。自家賈椒的便是。我哥哥無子。止生一女。且喜哥哥死了。這家資應該是我的。可奈那妮子霸占定了。不肯與我。今日特來趕他出去。〔作進介旦〕叔叔。我父親掙下這許多家貲。他雖無子嗣。我做女兒。也該應得的。你不念親情骨肉。都占去了。今日又來做甚麼。〔丑〕哇。胡說。這宅子不是家貲。你女生外向。怎麼有這房子與你住。快搬出去。〔旦〕噯。叔叔。你還道我有甚金銀藏在家裏。故此要趕我出去。如今隨你搜尋便了。〔丑〕我也懶得搜尋。只

是搬出去罷。〔老旦〕員外。小姐是黃花女兒。老爺在日。何等愛惜他的。如今要趕他出去。教他往那里住。〔丑〕門前那些披屋裏。難道住不得的。〔老旦〕咳。員外。員外。老爺掙了偌大家貲。只生得這點骨肉。反趕他披屋裏住。你于心何忍。〔丑怒介〕哇。誰要你多嘴。

〔前腔〕歎哥哥似伯道無男。我是他手足之親。豈等閒。論家貲。今朝該我專權。

〔老旦〕你既是老爺的嫡親手足。難道小姐不是老爺的嫡親女兒。〔丑〕咳。自古女生外向。誰容霸占。〔老旦〕如今小姐尚未出嫁。怎麼說得個外向。〔丑〕哇。你是何人。敢來胡纏。〔丑打老

旦介〕我憤然。豈容你亂語狂言。令人怒氣沖天。〔旦〕叔叔。你何消打他。我就讓這宅

子與你便了。只是我不出閨門的女流。往那里去。那花園要借我住。纔是。〔丑〕這也罷了。只是

宅子內一草一木。都是我的。不許你拿出去。〔老旦〕小姐自己的房奩。難道也不容他帶去。〔丑〕

這個我也要搜檢過了。纔許拿去。〔旦哭介〕

〔瑣窗郎〕追思淚雨濚濚。痛雙親肉未寒。你忍心虎踞。肆意狼貪。我無門訴苦。

向天稱怨。〔合〕拚把家私多讓伊家管。向三徑裏寄身暫。〔老旦駝包上丑檢介〕這

些都讓你拿去。只是這書是我哥哥的。怎麼也拿了去。〔旦〕奴家一生不愛金銀。雅好文墨。這些書便讓與奴家罷。〔丑〕書籍我左右用他不着。便與了你。也要曉得我的好處。

〔前腔〕我將伊骨肉相看。因此付緜緜沒吝顏。〔老旦〕這也虧殺你不識得他。〔丑〕怎麼虧殺我不識他。〔老旦〕你若讀書識字。怎把經史輕捐。卻又喫了不識他的苦。〔丑〕怎麼又喫了不識他的苦。〔老旦〕你若通文達理。怎把周親廝趕。〔丑〕放屁。〔旦〕保姆。我們不要與他對嘴。去了罷。〔合前〕

莫怪區區太恃強。

家貲一旦入吾囊。

大風吹倒梧桐樹。

自有傍人說短長。

第四齣 恃權抄沒

〔菊花新〕〔淨冠帶衆擁上〕袞衣玉帶位黃扉。執掌朝綱恁敢欺。往事猛追思。禁不住一時怒氣。紫閣近龍顏。太阿我獨專。百僚咸聽命。威福欲熏天。下官平章軍國重事衛三台是也。專權席寵。作威作福。逆吾者死。勝似櫻鱗。順吾者生。易如拾芥。爭奈那兵部尚書談侃。屢次

迂我意旨。我當日就要殺他。只因位居次相。凡事不得自由。如今我獨掌朝綱。他雖身死。我豈忘情。因此誣他和番事情。奏聞皇上。特差官校籍沒他的家私。還要將他子孫遠流邊塞。只有一件。萬一他家知了風聲。竊地逃竄。我豈不枉費了許多心機。早上差人去喚官校。待他到來。囑付他們速去方好。〔雜扮官校上〕懼法朝朝樂。欺公日日憂。欺公猶自可。莫教撞對頭。〔進見介淨〕你們是差去抄沒談尚書的麼。〔雜應介淨〕你們恰要小心在意。他家一個個不要放走了。〔雜〕稟丞相爺。那談尚書在日。頗有功勞。朝廷爲甚麼要抄沒他。〔淨〕你那里曉得。

〔別銀燈〕朝廷把兵權付伊。誰料他肆行無忌。臨邊故就和番計。獲明珠似馬援薏苡。當時。朦朧肆欺。今發覺難逃法司。〔淨〕你們須作速趲行。不可遲誤。〔雜應介〕〔前腔〕區區的官除錦衣。專執掌形名法紀。今朝邀惠供差使。敢臨岐稽遲聖旨。須臾。前途共驅。管籍沒他家貲罔遺。

再三囑付執金吾。

事到臨岐莫自疎。

計就月中擒玉兔。

謀成日裏捉金烏。

第五齣 訂盟聞難

〔步步嬌〕〔貼上〕曩遇才郎潘安貌。洛下年方少。晤語在蘅皋。教我意亂魂迷。目成心諾。有約在今宵。果車倚待縈懷抱。奴家輕烟。前日郊外踏青。遇着了談子玄。是個風流年少。教我夢想眠思。屢屢着人約他過來。他逡巡不果。又說道今日得便。准來相訪。我已治下酒肴相待。爲何這時候還不見到來。只得向門外等待一回。有何不可。〔生上〕

〔園林好〕燕子樓似桃源路遙。鶯花市想仙姝住杏。喜劉阮權時潛棹。小生談塵。承輕烟屢屢相約。只因老蒼頭力阻。不能如約。今日我已打發他出外去了。特地走到平康巷來。不知那一家是。〔貼望介〕那來的正是談郎。〔生遙問介〕借問一聲。魏輕烟家在那裏。〔貼出迎

介〕奴家在此奉候。〔生笑介〕蒙預迓喜難消。〔貼〕蒙惠顧慰無聊。〔生〕小娘子。小生是落魄少年。毫無寸長。不知小娘子何所見而垂情若此。〔貼〕郎君。奴家閱人多矣。似你這般相貌。胸中才藻。不問可知。眼下雖則如此。後來必有發達之日。奴家在塵埃中識別郎君。郎君日後不可忘記了我。〔生〕小娘子高誼。自當銘刻五內。豈敢相忘。〔貼〕你是。

〔江兒水〕濁世佳公子。雲霄一羽毛。令人一見心傾倒。因此不慚墮落紅塵渺。私心期爾諧姻好。我久逐膏車光耀。今日纔得喜上眉梢。覲面追陪歡笑。〔生〕小生屢蒙見召。渴欲趨赴。只因前日小娘子遇見之後。那老蒼頭苦苦見阻。不得脫身。今日打發他出去了。纔得走來相會。實出萬幸。小娘子。我思量前日呵。

〔五供養〕風和日韶。游展叢中偶挹丰標。不意小生與小娘子彼此契合。這是有緣相遇巧。不怕徑路草蕭蕭。真個三生幸微。共盤桓迷香洞杳。便一刻千金價。難買這春宵。〔貼〕談郎。你日後決不可忘記了奴家。〔生〕肺腑恩銘怎生推調。〔淨扮保兒上〕

有客來堂上。思量去掇湯。姐姐。酒肴都備在房裏了。〔貼〕談郎。請到裏邊去坐一坐。〔生作沈吟介〕保兒過來。我央你到我家去見那老蒼頭。不要說我在這裏。只說我在張相公處會文晚了。不及歸家。叫他自閉上了門。不消等得。〔淨應下外上〕酒不醉人人自醉。色不迷人人自迷。我家官人自前日見了妓女。心心念念。要到他家裏去。被我再三阻住。今日我到城外去了。回來不見官人在家裏。一定走到魏家去了。只得苦勸他一番。強他回去。一路問來。聞得此間是他門首。不免徑入。

〔進見生介外〕官人。你怎麼走到這個去處來。〔生〕朋友家會文。路經此處。權來相訪。〔外〕哎。官人。這去處不是你走的所在。況且你小小年紀。便是這等游蕩。日後頂冠束帶。一發不知底止了。〔跪哭介〕老奴蒙老爺擡舉。把官人托付老奴。若是官人這般行徑。死後那有面目去見老爺于地下。

〔月上海棠〕年幼小。行須擇地將身保。這烟花叢裏謾恁風騷。況書中自有紅顏。何須向平康逮好。〔生〕我曉得了。今晚更深夜靜。行走不便。明日絕早回家。你去罷。〔外〕官人。今晚決然要去的。便清宵杳。看月色瑩瑩歸路非遙。〔淨上〕有事不敢不報。無事不敢亂傳。官人禍事到了。〔生驚介淨〕你適纔差去尋老蒼頭。原來到在這里。老管家。你官人說在張相公家會文晚了。未及歸家。叫你自閉上了門。不消等得。〔貼〕你不要胡說。甚麼禍事到了。〔淨〕我走到談相公門首。只見許多人把你的前門後門團團圍住。喫了一驚。問聲人看。都說朝廷差官校出來。抄沒家產。還要拏解你們。故此本縣先叫人來圍住的。〔生〕有這等事。可不痛殺我也。〔倒介貼外叫醒介生〕

〔好姐姐〕魂消。天來禍苗。念嚴父三朝元老。功高績高。爲甚身家俱不保。〔外〕我知道了。老爺在日。與衛丞相有隙。他如今做了首相。幹出來的事了。料他妝誣巧。當朝便把仇讎報。官人官人。完卵何曾見覆巢。〔貼〕談郎。你如今幸得在奴家這裏。還好及早計較。逃外方躲避幾時。再作區處。〔生〕小娘子。我小小年紀。路途不熟。教我走到那裏去。〔貼〕奴家適纔聽得這老管家言語。定是個忠直的。叫他跟隨了去就是。

〔玉交枝〕臨歧禍到。好潛蹤他方遁逃。〔哭介〕只奴家呵。良宵歡會。只道姻緣巧。又誰知風波瀚灩。鸞交鳳友。逐蓬漂。鶯儔燕侶。遭鴛鴦。祇教人香消粉消。想從今魂勞夢勞。〔外背介〕妓女們的心性不可料的。萬一他此時叫我官人逃走。明日他又去出首。也未可知。待我激他一激。〔轉介〕小娘子。說便如此說。我官人今日走了。明日官府知道在你家走的。連累你喫官司。不常穩便。你不如把我們送到官去罷。〔貼〕老管家。你怎麼是這等說。奴家雖是妓女。頗有俠腸。今日與你官人訂盟。此頭可斷。此言斷不可移。你放心前去。再不消過慮。〔外拜貼拜〕